

Script of Evening Gojri News Bulletin 15 November 2024 at 1700 Hrs

ایوننگ گو جری نیوز بلیٹن مو رخہ 15 نومبر 2024

یوہ آکا شوانی جموں ہے ظفر اقبال تے محمد امین انجم تیں خبر سُنو۔ پہلاں خاص خاص خبر۔

- *1۔ وزیر اعظم نریندر مو دی نے کہیو ہے جے قومی جمہوری اتحاد سرکار غی ترجیح قبائلی لوکاں غی تعلیم تے روزگار ہے۔ اور یوہ سرکار غی سکیمیں تیں ثابت ہو جائے۔
- *2۔ قبائلی لیڈر تے مجاہد آزادی بھگوان برسا مُنڈا غو 150 ووں جنم تہاڑو اج جموں خطہ پھر مانہ منایو جا رہیو ہے۔
- *3۔ مُلک تے دُنیا پھر مانہ گرونانک جینتی گُر پو رہہ مذہبی جوش و خروش نال منایو جا رہیو ہے۔

*4۔ تے وزیر جنگلات جاوید رانا نے کہیو ہے روایتی طور جنگلات مانہ رہن آلا لوک سبز دولت غا بابتہ تے تحفظ غا اوزار ہیں۔

خبریں غی تفصیل نال پہلاں محمد امین انجم۔

PM Janjatiya

وزیر اعظم نریندر مو دی نے کہیو ہے جے قومی جمہوری اتحاد این ڈی اے غی سرکار اعلیٰ ترجیح قبائلی طبقات غی تعلیم تے روزگار ہے۔ تے سرکار غی اسکیمیں اس گل غو ثبوت ہیں۔ اُنہاں نے کہیو ہے سرکار نے بکھ بکھ بہبودی اسکیمیں غی مدد نال قبائلی طبقات نانہ عام دائرہ مانہ لے آئیو ہے۔ جناب مو دی نے کہیو ہے سرکار نے دل سنگ کم کرتاں واں 7 سو تیں متا ایکلاویہ اسکول تے قبائلی تحقیقی مرکزیاں غے نال نال یونیورسٹی وی کھولی ہیں۔ وزیر اعظم اج بہار غا ضلع جموئی مانہ 6 ہزار 6 سو کروڑ روپیاں تیں متی رقم گا ترقیاتی پروجیکٹاں غی نقاب کشائی تیں بعد اجتماع نال خطاب کر رہیا تھا۔ جناب مو دی نے کہیو ہے اُن غی سرکار قبائلی طبقہ غا ورثہ تے اس غی ثقافت محفوظ کرن غی واعدہ بند ہے۔ وزیر اعظم نے مزید کہیو ہے سرکار نے قبائلی طبقہ غی روایتی دوائی محفوظ رکھی تے ہُن عالمی صحت تنظیم نال جوڑن واسطے کم کیو جا رہیو ہے۔ وزیر اعظم نے کہیو ہے اُنہاں نے پی ایم جن من اور دھرتی آبا جن جا تہ اُتکرش گرام ابھیان چلائیو جس نے قبائلی لوکاں نانہ براہ راست فائدہ یقینی بناتاں واں عظیم نتیجہ دتا۔ اُنہاں نے اعلان کیو ہے جن جا تہ اُتکرش گرام ابھیان غے تحت قبائلی گرائیاں غی ترقی واسطے 80 ہزار کروڑ روپیہ دتا جائیں گا۔ وزیر اعظم نے قبائلی طبقہ واسطے ایسی شروعات با رے صدر جمہو ریہ درویدی مُرمو غی بصیرت غو واضع کرن واسطے شکریہ ادا کیو۔ اس موقعہ و ر وزیر اعظم نے قبائلی اکثریت ضلعان مانہ برسا مُنڈا گورو اپُون شروع کرن غو اعلان کیو۔ اُنہاں نے سابق سرکاراں غی نقطہ چینی کی۔ اُنہاں نے کہیو ہے مُلک غو فخر قبائلی طبقہ غاورثہ ثقافت تے روایت نال انصاف نہیں کیو۔ وزیر اعظم نریندر مو دی نے کانگریس پارٹی غی نقطہ چینی کرتاں واں کہیو ہے سابق سرکاراں نے برسامُنڈا تے دوجا قبائلی بہادراں غی خدمات کمزور سمجھیں۔ لیکن قومی جمہوری اتحاد این ڈی اے سرکار نے موجو دنظریہ تبدیل کیو۔ قابل ذکر ہے جے وزیر اعظم نریندر مو دی برسا مُنڈا غا 150 واں جنم تہاڑا غا سلسلہ مانہ منعقد اک تقریب واسطے جموئی ضلع مانہ تھا جت مذکورہ جنم تہاڑو جن جا تہ گورو دیوس غا طور و ر منایو گیو۔ وزیر اعظم نے بھگوان برسا مُنڈا غی عزت مانہ اک یا

گیو۔ جس مانہہ اج غا تہاڑا غی اہمیت اُجاگر کی گئی۔ یوہ تہارو بھگوان برسا مُنڈا غا جنم تہاڑا
غے طو ر منایو جا ئے۔

Shah- Birsa Munda

وزیر داخلہ امت شاہ نے کہیو ہے جے بھگوان برسا مُنڈا بھارت غی تحریک آزادی غا بہادراں
وچوں اک ہیں۔ جن جائیہ گورو دیوس غا موقعہ و ر ور برسا مُنڈا غا مجسمہ غی نقاب
کشائی کرتاں واں جناب شاہ نے کہیو جے قبائلی طبقہ ہمیشہ بھگوان برسا مُنڈا غا شکر
گذار رہیں گا۔ اُنہاں نے کہیو جے وزیر اعظم مودی نے قبائلی لوکاں غی بہتری واسطے
انتھک کم کیو۔

یہ خبر تم آکاشوانی جموں تیں سُن رہیا ہیں خبراں غا باقی حصہ نال ظفر اقبال۔

Gurpurab Celebration

اج پورا ملک تے پوری دُنیا مانہہ گُر پور بڑا مذہبی جو ش تے عقیدت سنگ منایو جا
رہیو ہے۔ یوہ تہاڑو پہلا سکھ گورو گورو نانک دیو غا جنم تہاڑا ور منایو جا ئے جن نے سکھ
مذہب غی بنیا د رکھی تھی۔ قابل ذکر ہے جے اس تہاڑا گا موقعہ و ر سکھ مذہب غا منن آلا
پوری دُنیا مانہہ گردواراں مانہہ عبادت کریں۔ گورو نانک غا جنم دن غا موقعہ و ر سکھ
مذہب غا پیروکار جگہ جگہ لنگر غو اہتمام کر غے لوکاں نانہہ روٹی کھلاویں تے گورو نانک
غی تعلیمی غو درس دیں۔ صدر جمہوریہ درویدی مُرمو، نائب صدر جمہوریہ جگدیپ دھنکڑ
تے وزیر اعظم نریندر مودی نے گورو نانک غا جنم تہاڑا ور لوکاں نانہہ مبارکباد پیش کی
ہے۔ یوہ تہاڑو کا رتیک پرنیما ہندو کلینڈر غا کا رتیک مہینہ مانہہ پورا چن چڑھن آلے تہاڑے
منایو جا ئے۔ اس تہاڑا غا موقعہ و ر ملک غا بکھ بکھ حصاں مانہہ سویرے سویرے عقیدت
مند دریاواں مانہہ ڈبکی لا غے اس تہاڑا نانہہ مناویں۔

Parkash Utsav

گورو نانک دیو جی غو اج ضلع جموں مانہہ 5 سو 55 وں پر کاش اُتسو بڑا مذہبی جو ش
سنگ منایو گیو۔ اس سلسلہ مانہہ سب توں بڑو پروگرام بی بی چاند کو ر جیول گردوارہ مانہہ
رکھیو گیو تھو۔ قابل ذکر ہے جے اس پروگرام مانہہ ہزاراں، سکھ سماج نال تعلق رکھن آلا
عقیدت منداں نے شرکت کی تے ات آگے متھو ٹیکیو۔ اسے طرح ضلع اُدھم پور مانہہ وی
گورو نانک جی غو 5 سو 55 وں پر کاش اُتسو منایو گیو۔ ضلع اُدھم پور مانہہ اس سلسلہ
مانہہ سب توں بڑو پروگرام شری گردوارہ سنگھ صاحب مانہہ رکھیو گیو تھو، جت سکھ مذہب
نے متی تعداد مانہہ آگے حاضری دتی۔ قابل ذکر ہے جے یوہ پروگرام اُدھم پور غی ضلع
گردوارہ پر بندوق کمیٹی نے منعقد کرایو۔

Rana Forest

جل شکتی، جنگلات تے قبائلی امور غا وزیر جاوید احمد رانا نے گذشتہ کل عہدیداراں نانہہ
ہدایت جاری کی ہیں جے وے قبائلی طبقہ نانہہ جنگلات غے نیڑے تے اُن غو جنگلات
ور حق غو داعوؤ کرن آلاں واسطے جلد توں جلد بندوبست کریں۔ روایتی جنگلات باشندہ
جھپڑا جے جنگلات نانہہ ہر وبھرو رکھن مانہہ اہم کردار ادا کریں اُن بارے گل کرتاں واں
وزیر موصوف نے کہیو جے جنگلات تے سبزدولت غا پیروکار ہیں۔ یابگل وزیر موصوف
نے گذشتہ تہاڑے سول سیکریٹریٹ مانہہ اک میٹنگ غی صدارت غے دوران کہی۔ قابل ذکر

ٻے جے اس میٲٲگ غے دوران اٲٲشنل سیکریٲٲری نے جنگلات نانہ جموں کشمیر غی جی
ٲی مانہ اہم کردار دسیو۔ وزیر موصوف نے تمام روایتی تے نواں طریقہ کار محکمہ غی
طرفوں جانیا جھٲڑا جے لوکاں غی خدمت بارے چلایا جا رہیا ہیں۔ جناب رانا نے افسراں
نانہ کہیو جے وے تمام جاری پروجیکٹاں جن مانہ آر اینڈ بی، تعلیم، صحت شامل ہیں اُن
نانہ بلا کسے تاخیر غے جلد مکمل کیو جائے۔

اس غے نال ہی خبراں غو یوہ بلیٲٲن ختم ہوؤ۔